

PAMFLET

708

Een goet Aduijs/
Opt stuck vande Vrede
 ende Dorloghe in dese Neder-
 landen:

By een Edelman ende oprecht Lief-hebber
 zijns Vaderlandts ende der ghemeene Rulste /
 aen eenen zijnen goeden vriendt/ by
 forme van Dillijue/ ouer-
 gheschreuen.



ANNO M. D. LXXXIIII.

708

39



MIJN HEERE:

3
Ick hebbe ontfan-

ghen uwen Brief/ my dienende tot volcomē ghetupchenisse van een ghesont en matich gheboelen/ verghefelschap met een oprechte affectie en ijer tottet ghemeene Welbaren ende Ruste/ een saecke voorwaer wel besonder en pynselick te desen tijde. Nu/ ghy begheert mijn aduys op de poincten daerinnē verhaelt. En hoewel ick bekenne mijn onvermoghen/ en wile v nochtans niet wepgheren/ dewijle ghy hebt ouer my te ghebieden. Soo sal ick dan segghē/ rondelick ende ter goeder trouwen/ wat ick daer af gheboele/ ende ghy sulc daer van hebben te oordeelen selue dat v sal belieuen.

Inden eersten dan/ soo wie niet veel lieuer soude kiesē eene Vrede/ eenichsins verdrachelicken/ ja selue vermengt met groot achterdeel en onprofijt/ dan de continuatie en voortganck van eenen ellendighen en burgherlijcken Krijch/ my dunckt dat een soodanich mensche niet en behoorde ghehouden te werdē onder t'ghetal der menschen/ maer veel eer van d'onredelijke en wilde beestē: ja selue selue verdienen wtgheropt te werden/ wt het midden der menschen/ als een schadelijcke peste: Dewijle toch een peghelijck man niet eeren schuldich is/ de ghemeene Vrede wederom te roopen/ (indien haer de middelen daer toe aanbieden) niet alleen met sijn ballingschap/ ofte verlies van goederen/ maer oock selue van sijn leuen/ selue goetwillichlijcken op-offerende voor t'ghemeene Welbaren: Maer als ick daer by ouerweghe welke Vrede men ons voordraecht/ ick ben wel verwondert datter pemaet soo saechtinnich werdt ghebonden/ die de patientie mach hebben/ maer alleen daer nae te lusteren.

Want sy snydt v gheheel cort af/ soo wel d'oeffeninghe der Religie (om de welke te behouden niet alleen dit landt/ maer oock de gantsche Christenheyt alreede is of in roeren/ ofte in wapenen gheweest al ouer de vyftich jaren gheleden) als het vertrecken der Vreemdelingen/ immers ten minste so langhe alster noch eenighe Provincien zijn/ die niet en zijn ghebracht onder de gantsche ghehoorsaemheyt vanden Coninck van Spangien.

Vande Religie wil ick terstont spreken.

Maer soo veel de Vreemdelingen aengaet/ isser wel pemaet soo onuerstandich die siende in een lichaem van verschedene versenichde Provincien/ en niet elckanderen verbonden/ dat eenighe

24 ij

der sel.

4
der seluen / om d'andere te brengen tot hun opinte / breevende
Crijchl-hoopen in haer soudije houdē / om haere medeghenoten te
vernien / tselfde soude connen achten / Vrede te zijn?

Nae mijn verstandt / ick en soude het niet connen nemen dan
hoor een wreedt ende bloedich inlandts Oorloghe / t welcke ten le-
sten noodsaeckelijcken sal nae hem trecken oock den onderganck
van d'eene ende van d'andere Prouincien.

Want om te commē totte Vrede tusschen twee partijen / tegens
elckanderen in Oorloghe staende / soo moetmen daer in houden
den rechten wech / de welcke is / te beweghen d'eene en d'andere tot
een goet accoordt / ter sijden stellende alle passien en jalousien / ende
onderwerpende een yghelijck zijn verschil en questie de Redene
en Justicie / ende niet om te openen den wech en passagie de bree-
de Natien / om d'eene den anderen te verderuen / onder derel van
die te willen brengen tot Ghehoorsaemheyt / ofte tot eene andere
Religie / dan de selue daer van sy professie doen: Wāt dit heeft veel
eer een smaecke naede treecke van Elcouedo / ofte van eenen ver-
stoorder der ghemeene Ruste / dan wel na eenē raedt eens ghetrou-
wen vriendts oft Vredemaker.

Hoe wel nu die van Henegouwen ende Artops hen dese Cas-
pripne hebben laten opt hooft setten : want na datse haerseluen
door wel solennele Eeden / en beswozene Onse / ofte veel lieuer door
schrikelike verbloedinghen / hadden verbonden aen d'andere
naebueringhe en gheconfedereerde Prouincien / vā hen mette selue
bereenicht te sullen houdē / tot datse den Spangiaert gansch ver-
dreuen souden hebbē wten lande / sonder hem immermeer weder-
omme te roepen / met een seker besluyt en onwederroepelycke sen-
tentie: Dat al de ghene die daer teghens deden / ten ewighen da-
ghen ghedegradeert ende berooft souden werden / van Name / van
Wapenen / en van alle Eere ende Waerdicheyt : zijn nochtans int
afscheyden van derwereldere onder t'dersel of vande Religie / ofte
om eenighe jalousien / te vreden gheweest haerseluen onderlinghe
te versellen teghens hen metten Spangiaert / ende latende haersel-
uen int beghinsel misseyden door dit schoon mom-aensicht van
Vrede / hebben sy het wttheemische Oorloghe verandert in eenen
inheemischen burgherlijcken Crijch / zijnde eyntelijcken te vreden
gheweest tot hun hulpe te roepen en Hoochdupschen / en Italia-
nen en Spangiaerden / en Hongersche / en Beemsche / en Abanot-
sen / en ick en weet niet / welcke andere soopen vā breevende Natien /
ende dis:

ende dit alleen om ten onderen te brengen haere medeghenooten
en naeghebueren/ en voorts tot een roof te gheuen onse aemie ende
bedroefde Vaderlandt/ selue stellende inden staet daerment se-
ghenwoordichlick in liet.

Maer of sy nu voer alle dese dinghen/ de Vrede ghehadt heb-
ben/ dat gheue ick henlieden selue te bedencken.

De ghene dan die ons nooden van ontseluen niet hen te boe-
ghen/ sonder ons daer by toe te laten het ghereede vertreck der
Vreemdelinghen/ of en verstaen selue niet haer eyghen stuck/ ofte
drijven haren spot niet ons niet vollen keele. Want dit en is niet
ons te nooden totte Vrede/ ghelijckse nochtans hen dies seer wel
connen beynsen/ maer om een ander zijde te kiezen/ ende alsoo de
blamme van desen inlandtschen Crijch noch veel dieper te doen
inballen selue tot int middē van onse ingewanden/ om dies te meer
onsen ghemeenen onderganck te voordenen.

Want wy ten onderen ghebracht zijnde/ can een peghelick wel-
lien/ dat den anderen eghene middelē altoos meer sullen ouer- blij-
uen/ niet alleen om haerseluen te handt houden in eene recht- ma-
tighe en wettelijke vrijheyt onder de Wetten en Priuilegien van
de Landen/ maer selue oock niet om hemluyden te connen bescher-
men vande verachtste ende schadelijckste Slavernie/ de welcke opt
Slave oft Gheley-boeue verdient mach hebben.

Sy hopen dat de Spangiaert/ zijnde meester vant landt/ hem-
luyden niet en sal willen tot eenighe Slavernie brengen: Nu/
dit wil ick gheloouen ter liefde van hemluyden: maer ick sou-
de hen nochtans raden goede borghe ende versekerheyt daer van
te nemē. Immers soo veel ist/ dattet in des Spangiaerts vermo-
ghen sal zijn/ van dat te doen oft te laten/ indien hy wilt.

Want ist dat hy eenmael comt tot sijn voornemen ouer de reste
van dese Prouincien/ sullen/ sonder twijfel/ de selue van Vlaende-
ren/ Artops/ Henegouwen/ ende andere mede bedwonghen zijn/
hen tot ghehoorsaemheyt/ onderwerpen/ schoon ghenomen dat
ter niet een Stadt en waere die Garnisoen hadde ontfangen: want
het platte landt sal altijd zijn inde macht vanden Spangiaert/
ende hem en sal gheen dinck soo lichtelijck om doen zijn/ als d'an-
dere tot sijnen wille ende meeninghe te brengen/ al en soude sel-
ue niet gheschieden dan by wt-hongheringhe: te meer oock/ als de
voornaemste steden en sleutels vant landt met vreemde Garnisoes
men verbult zijn sullen/ onder t' d'xsel datse vercreghen sullen zijn.

mette wapenen: Ick late noch staen / dat een peggelick bekent is / van welcken effecte en macht het beuel sy vande Hoogher handte ofte Souuerain / als hy heeft de Regenten ende Hoofden vande plaetsen / ende de Magistratē tot sinen wille en deuotie. Ghelijcke hem onghetwijffelt seer licht soude vallen / in desen deele sulchs te versien / als hy tot handthoudinghe ende versekeringhe van sijne heerschapppe soude binden te dienen.

Nu / hier van hebben wy eene sekere beproeninghe in ons seluen: Alsoo wy sien dat niet tegenstaende alle Contracten / Eeden / Verbanden / ende verbloekinghen / de Prince van Parma wel soo veel heeft weeten te practiseeren / datmen onder den tijtel en t'dersel vande Staten ghewillichlijcken heeft wederomme gheroepen de Spaensche ende Italiaensche Soldaten: Waer door men can oordeelen vande macht die hy sal hebben in alle andere poincten / die haer seluen sullen presenteren van ghelijcken stoffe.

Dewijle doch een Hooft dat met hem-seluen accoordt is / dupsent middelen en ghelegghentheden voorszommē / daert hem mede can behelpen / om te gheraecken tot het eynde van zijn voornemē / ende besonder ouer een Volck / dat hem-seluen bindt ontwapent / ofte alomme van d' Oorloghen becinghelt ende aengheperst.

Siet daer hebt ghy alreede een ellendich Poinct ende Conditie / van dat ghy niet voozweten de wapenen gheeft in handen van uwen viandt / om v daermede te slaen / indient hem beliest / en waer door ghy aen uwer syde selue niet anders en behoudt om v seluen te beschermen / dan eene hoope van sinen goeden wille.

Nu soo veel de hoope aengaet / en t' betrouwen op den Spangiaerd / isser yemandt die de selue in twijffelinghe stelt / hy moet vooz secker of seer weynich ghesien hebben watter inde werelde ommegaet / ofte ten minsten ganschelick niet weten banden aert ende natuere der Spangiaerden.

Ick wil hier niet eens aenroeren / de hooaerdise / waerckghiericheyt / begheerlichheyt van regieren / wreedtheyt / groote nydieheyt / ende andere zeeden / de welcke dese Spaensche Natie vast ghemeenlick is onderworpen / oock bevesticht door ontalliche veel Exempelen / ende te wercke ghestelt aen allen den ghenē diese oyt gehadt hebben onder hun ghehoorsaemheyt / ja die wy selue herwert / ouer niet dan te seer veel beproeft hebben / tot onse onverwinnelicke schade. Ick sal desghelijcx niet segghen / in welckē aensiene / waerde en achttinghe sy ons houden / soo wel d'eene als d'andere /

7
dere/noch d'oorlaecken diese hebben van haer-seluen soo wonder-
lijcke seer vertooynt ende veronghelijckt te houden.

Ich sal alleenlijcken een point voorstellen om wel te ouerwe-
weghen/dats te weten/dac de Spangiaert ten alderminsten den
Staet sal willen verseecken voor den toecommenden tijdt/ende
sulcx daerinne versien/op dat hy naemaels niet meer en hebbe
te vreesen ghelijcke swaricheben ende onghemack/als in voozle-
den tijden.

En in wat manieren/ende door welcke middelen sulcks te we-
ghe ghebracht sal moghen werden/dac laete ick oordeelen den ver-
standighen/ende die in Politijcke saecken maer te redelicker-wij-
se zijn herbaren. Het aduys van Crasbulus/ende daer nae van
den Coninck Tarquinius/ende epntelijcken by onsen tijden/van
Machiaueli/rwelcke de Cardinael Granuella soo dickwils in
den mondt hadde/en oock zedert int werck gestelt is geweest door
den Hertog van Alue/is selue de kinderen niet onbekent/te werf/
Datmen inde Vermoes-houen daer d'Alupn ende de Mancop-
ten alderdichste staet/de Vollen/die bouen d'andere te hooch wt-
wassen/moet afhouden: Want veel beter is (gelijck de Hertoghe
van Alue seide) het hooft van een Salin/dan van hondert kich-
bozschien. En hebbende de Spangiaert hemseluen meester ghe-
maect vande Hoofden/canmen wel lichtelijcken afnemen/hoe hy
sal om-springhen mette reste.

En datmen hemseluen wilt inbeelden dat de diensten/de welc-
ke eenighe vande Heeren/die van te vooren in de wapenen ghe-
weest zijn teghens den Spangiaert/zedert ende naderhandt ghe-
daen hebben/wtghewist hebben de gedachtenisse van alle voozle-
dene saecken/sulcx soude immers zijn te seer groote slechticheyt.

Want dit is een saecke gansch wederstrijdende den aert der
Princen/gheheel contrarie d'eerste hooft-regulen vanden Staet
in alle Regimenten/ende immermeer ghebruyckelijck gheweest
zijnde/sae selue int besunder teghens d'aenghebozen natuere ende
ghewoonte vanden Coninck van Spangien.

Den dienst welcke d'Onderlate doet sijne Prince/houtme voor
een saecke de welcke hy hem schuldich is te doen/en daeromme en
werdt hy niet weerdich geacht te verdienē eenige belooninge ofte
vergheldinghe/dan alleē de selue die voortcomt wtte onberdiende
mildicheyt ende gunste vanden Prince: Daeromme dat de Prince
de belooninghe der diensten/diemen hem ghedaen heeft/afmeetet
ende vera-

ende bereffent naede mate van sijne Hoocheyt / bande welcke de
 fupiere mildicheyt / sonder eenighe verbinteniffe is eene bande
 voornaemste steunffelen.

Ende hieromme ist datmē meest ten deele fiet / dat de ghene die
 wel de grootte en merckelijckste diensten ghedaē hebben / haer sel-
 uen ten alderminste gherecompenseert en beloonen binden / ten eynde
 de mildicheyt van een Prince niet en werde gheroghen in ghe-
 volghe van eenich verbandt en obligatie. Ende voornaem (seggen
 sp) indien ghy den dienst niet en hadt ghedaē / men sonder wel an-
 dere hebben ghebonden / die hem gaerne ghedaen souden hebben :
 maer d' Ondienste brenge zijn loon alreede mede voer hem daer om-
 me datse werdt ouer ghewooghen teghens de verbindteniffe van
 den Onderlaet tot sijnen Prince / Welcke verbindteniffe soo veel te
 grooter gheacht werdt / als de Hoocheyt ofte Matestept deffels
 hoogher is verheuen / en haer seluen gheboelt swaerder ghequest te
 zijn. Het welcke d' oorsaekke is dat de misdaet teghens den Prince
 bedreuen nimmermeer wtghewilcht can werden / door de gedach-
 teniffe van eenighe voorgaende dienste / maer ontvonckt hem veel
 eer int herte een byer van eene ewighe ende ontworblustcheleke
 hacte.

Exempelen van allen tijden doen t'selue ghelooouen / de Histo-
 rien zijnder vol af / en alle Wijsen gheuen ons daer van ghetrouwe
 waerschouwinghe. Siet daeromme stelde de Raedtsheere vanden
 Coninck Zenon / sijnen vriendt Diaderick / die hem seluen ter oor-
 saekke van dien naderhandt oock meester maecte van Italien / de
 Fabule voer d' ooghen vanden Hertē / d' welcke de Vos septe dat
 gheen hert ghelacht hadde / daeromme dattet eenmael vertoorne
 hebbende den Leeuwe / Coninck vande bersten / hem andermael
 hadde laten wijs maken van hem seluen weder onder sijne clau-
 wen te beghen.

Oock septe de wijse Coninck Salomon / dat de toorne des Co-
 nincks de voerbode bande doot zy / ghelijck mede Homerus / de
 rechte Schoolmeester van alle Wijsen / soo wel Grieken als Ro-
 meynen / betuyche / Dat een Coninck alreede bewaert in zijn herte de
 misdaet diemen hem ghedaen heeft / niet tegenstaende dat de haes-
 tighe granschappen voer by ghegaen zijnde / hy voer eenighē tijde
 door de vingheren fiet. By onsen tijden hebben wy ghelie / dat alle
 de grootte en aenmerckelijcke goede dienste van wijlen de Grauen
 van

dan Egmondte ende van Hoorne niet en hebben ghehadt eenich ghewichte om te connen wtwisschen/ eene seer clepne vergrippinge diemen haer te laste leyde/ van datse mette wapenen niet ouervallen en hadden die vander Religie/ niet teghenstaende sy dachten grooten dienst daer-aen te doē/ en datse daer nae verstaen hebben de den wille vanden Coninck/ sonder ophouden ghearbejdt hadden om alles wederomme te stellen tot zynen wille en gehoorzaamhert: ende wist nochtans de Coninck hem seluen seer wel te beynsen/ niet alleen van hen dit vergheuen/ maer oock van t selue ghenomen te hebben/ vooz eenen sonderlinghen ende merckelicken dienst/ ghelijck hy nu jeghenwoordichlicken oock wel soude moghen doen.

Dit is dan hem-seluen moetwillichlicken bedrieghen/ alimen hem-seluen wil voorstellen eenich Pardon ofte verghetentheyt van misdaden teghens eenen Coninck Souuerain ofte de Hoghe handt bedreuen/ ende sonderlinghe alle raecken de Hoocheyt of van sijne Persoone/ ofte van sijnen Staet/ dewyle daer niets en is inde werelt datse willen vergheleken ofte in teghenwichte gestelt hebben van het selfde.

Maer bouen al het ghene voozsept is/ moetmē aenmerckē datmen te doen hebbe metten Spangiaert/ die bekent al ouer langhe ghesocht te hebben soodanighe gheleggentheyt en oorsaecke/ om eenmael onder zijn ghewelt te brenghē dit landt/ en maken t selue tot een verbeurt landt. Nu/ ick gheuet v te oordeelen/ indien hijt jeghewoordich ghebonden hebbende/ soo wel te passe/ ende met soo groote costen/ moepren/ en merckelick verlies/ hy hem dat sal laten ontgaen om v schoon aensichtes wille/ ofte ten opsiene datmē hem sal verthone de groote dienstē vande Marckgrauē van Rysburch ofte van Kentp/ de welcke hy acht alreede niet dan te veel vergolden te hebben/ daer inne/ datmen se tot noch-toe heeft ghelaten onghestraft: Iae selue dat in plaetse van hen ten Exemple van alle de werelt te castijden/ men haer noch heeft bereert mette grootste Staten en Officien. Ende voozwaer/ indienmen ghelooft dat de Spangiaert meer sal achten den dienst diese ghedaen hebben inc beleydt van dit Oorloghe/ als d'ondienstē vanden voozleden tijt/ als sy d'andere Stadthouders vande Prouincien gheraden hebben teghens den wille vande Coninck/ in ghevanckenisse hebben doen stellē den Raedt vā State reysen gedaen in Vackrijcke omme te gaen haelen wtkeemische Princen/ ende dē Coninck berooft hebben

hebben van sijne gantsche Authorteyt ende Hoocheyt/ dies gedra-
ghe ick my aenden ghenen die eenich verstant hebben. Immers
soo veel is/ dat de Spangiaert altyt wel sal moghen segghē/ datse
int eene begaen hebben het Crimen læsæ Maiestatis, haer seluen
stellende teghen den Persoone en Staet vandē Coninck: ende int
andere ghevolcht hebben hunne jalousien en besondere passien.

Maer ick wilt alsoo nemen/ datmen dese twee Marchgra-
uen altydts behoorre te festeren/ en dat de Coninck/ soo veel hen-
lieden aengaet/ sal willen vergheuen sijne ghewoonelijcke en aen-
ghebozen Natuere/ de welke is van te louen/ in dancke te nemen/
en seer hooch te achten de diensten der ghenen/ die hy voorsz. geno-
men heeft het hooft te doen verliesen: Maer wat salt dan zijn van
d'andere Heeren die soodanighe diensten zedert niet ghedaen heb-
ben? Wat salt zijn van alle d'andere cleyn heplichskens van Edel-
lieden/ die r'ghelooue niet en hebbē vande selue te doē? Of gheloo-
uen wy datse oock seer lieffelijckē gehandelt en gheboordert sullen
werdē/ nae dat de Spāgiaert hem seluen sal vindē geheel Meester
vant spel/ daer hy jegenwoordichlijckē/ dewijle het van noode is/
dat hy hem nu noch niet en behelpe/ daer vā so wepnich wercks
maeckt/ als van sijn minste dienaers/ jae hem seluen niet en can
onthouden/ dat hy r'elckē propoolte niet wt en spijde het ghene dat
hem inde crop steekt? Ende wat salt zijn vande Steden die soo
hardtneckelich ghewepgert hebben Garnisoen in te nemen? Wat
salt zijn vande ghene/ die opentlicken de wapenen inde hande ghe-
nomen/ de Casteelen afgheworpen/ ende bedreuen hebben eene on-
tallicke menichte van andere misdaden/ die in materie van Staet
nimmermeer connen werden vergheuen? Sien wy nu niet oo-
ghen-schijnlicken/ datmen daer van niet en heeft te verwachten/
van d'alghemeneen onderganck ende verwoestinghe vant gan-
sche Landt?

ICK verschricke my als ick om die lieden dencke/ die haer sel-
uen wijs-maken/ dat/ als d'andere Provincien/ diemen nu Rebel-
len noemt/ int gheheel t'onderen sullen ghebracht zijn/ de Co-
ninck niet en sal maken eenighe swaericheyt/ de Dyeendelinghen
terstont daer wt te trecken. Ick en wil hier niet vraghen wat boz-
ghe/ oft welke verseeckeringshe sy daervan hebbē/ ofte op welke
onderteekeninghe/ beloften/ ofte tractaten sy hun fondament ne-
men. Wāt sy sullen my altyt seer gaerne bekennen/ soo sy eenighe
daer van hebben/ (als ick wel ghelooue neen) datse niet so auten-
tijck en

elijck en zijn/ als de selue gheweest zijn/ die hen heeft ghegheuen de
Prince van Parma / effen ten tijde als hy beloefde nimmermeer
herwaertsouer te sullē roepen de Spangiaerdē: noch als de ghene
doo: de welke de Coninck selue heeft beuesticht ende van waerde
ghehondē/ eerstelijck het Accoordt t'welcke maecte De Vrouwe
de Hertoginne van Parma sijne moeder inden jare 1567. en na
derhandt t'Edict perpetuel vā wijlen Don Jan/ doo: t'welcke de
Pacifitie van Gendt soo solennelijcken aenghenomen is ghe
worden / en nochtans siense wel hoemen alle dese Tractaten heeft
ghehouden.

Maer ick soude van hen wel begheerē te weten / waeromme hy
hen laten dunckē/ datse dit Priuilegie sullen verwernē meer en bo
uen die van Napels/ van Sicilien/ vandē Staet van Milanen/ en
van d' Indianen van Peru? Iae selue bouen alle Marien en Pro
uincien die de Coninck van Spangien houdt onder sijne ghehoor
saemheyt: de welke hy niet en soude weten te beschuldighen van
de alderminste misdaedt/ ofte oorlake van wantrouwe? De Spā
giaert houdt hy die van herwerf-ouere in meerder waerden of
te aensiene? Heeft hy in hen een beter betrouwen? Acht hy datse
sullen hebben/ oft minder wille/ ofte weynigher machte van hen te
rebelleren/ alsoe sullen willen/ indien hy eenmael daer wt neemt/ en
doet vertrecken de Vreemdelinghē? Of zijnse moghelick tot hun
ne onkosten niet genoegh geleert geweest doo: d'exempelen vanden
tijde voorszē/ hoese haerselue sullen hebben te verseecken vā de
sen Staet? Of en zijnse niet wijs genoegh om sulcx te aenmerckē?
Ick dan niet eene groote dwaesheyt dat wy ons selue willen in
beelden een saecke de welke ganschelicken strijdt teghens alle re
denen/ teghens alle hervarenheyt/ en teghens alle ooghen-schijn
lickheyt der waerheyt? Het is voorszwaer anders niet dan ons sel
uen te kittelen om te lachen.

Maer laetet ons noch nemen dattet alsoo zy / dat de Coninck
belooue / nae datter niet meer en sal zijn eenighe viandschap int
landt/ daer wt te sullen doen vertrecken de Vreemdelingen: Maer
hoe verre sal haerseluen dese viandschappe wistrecken? Want soo
langhe als hy naer zijn geliefte/ ten exemple van anderē/ ghestraf
sal hebben al de ghene die hy sal houden vooz Rebellen ende straf
weerdighe vant Crimen læsæ Maiestatis, salmen wel connen seg
ghen/ datter gheē viandschappe meer en zy? Ick dencke wel neen.
Soo salmen dan moeten wachten / tot dat hyse alle ten onderen
ghebracht

ghebracht hebbe/die van aenbeginne de wapenen inde buyt heb-
ben ghenomen teghens hem/oft teghens den Spangiaert. Ende
wat sullen dese goede Vrede-maekers toch gaen beghinnen/all-
men den naeme van viandschappe oock tot op henliedē sal willen
wtstrecken/ en hen doen rekenschap gheuen van hun voorgaende
stucken en handelinghen? En sien wy noch niet/hoe dat wijt oock
nemen/dat dit Artijckel / vande Vreemdelinghen niet terstont te
doen vertrecken/ een recht Beuls-mes zy om alle d' Inghelozene
van dese Nederlanden/daer mede te doen onthoofden / soo wel die
van d'eene als van d'ander Religie : ofte datter veel eer de Stock
en valstricke zy/inde welcke sy alle ghevanghen sullen werde/ om-
me in eenen eeuwigghen onderganck te vervallen?

Lart ons nu comen tottet tweede Poinct/ van d'oeffeninghe
der Religie: Dit sijden sy oock immers soo cort af als het eerste.
Ende boowaer het schijnt ghenoech dattet de Coninck nemmer-
meer en sal toelaten/al soude hy daer ouer oock zijn Croone en alle
sijne Staten in perijckel stellē van de selue te verliesen. Nu welcke
Vrede cannen hem seluen inbeelden / daer de Conditien / diemen
voorstelt niet haer brenghen den gheheelen onderganck van d'eene
partije de welcke noodsaeckelick daer nae oock niet haer sal trec-
ken de gansche verderffnisse van d'andere? Want niet toelatende
eenighe exercitie van Religie / soo moeten wy wtroepen / ofte wten
lande bannen/ allen den ghenen/die daer van bekentenisse doen.

Nu wy wetē dattet Oorloghe noyt aende handt zy ghenomen
om ander insichte/ dan op dat de Vrijhepde des landts onderhou-
den zijnde/ niemādt onderdruet soude werden teghens recht ende
justitie / onder den schijn van Religie: Dewyle voor secker dese
deck-mantel vā Religie/rechte middel is/ om te niette te doe alle
Vrijhepde/Rechte en Privilegien vā eē landt/daer vā t Coninck-
rijcke van Napels/t'landt der Indianen/sae Spangien selue con-
nen ghetuyghenisse gheuen. Ende wy weten dat herwerf-ouere
dijnboeringhe van d' Inquisitie tot desen segghenwoordighen tijde
toe in een waech-schale heeft ghestelt / eerstelijcken de Vrijhepdt/
ende daer na den gheheelen Staet van t'Vaderlandt: Want daer
en is niemādt van ons / noch van onsen naecomminghen / die
hem seluen mach beroemen vry ende oncleliche te zijn vande val-
sche beschuldighen van d' Inquisitie/ als hy maer een eenich vi-
andte en heeft / die hem soude willen ten onderen brenghen. Dit
selfde is soo openbaer en blijckelick/ dattet niet van doene en heeft
eenich

eenich bewijs: Want een pegelijck fiet het / ende de onderbindin-
ghe brenghet mede aen den dach.

Hier op weete ick wel / sullense segghen / datmen sal toelaten de
vrijheyt vā Conscientie / voorzbehoudē datter niet en zy enige wt-
wendighe oeffeninghe / en datmen niet en doe eenighe Schandale
ofte ergghernisse: Maer dat en is niet dan een rechte knippe ende
balstricke. Want men weet wel dat de Conscientie / de welcke is
ghelegghen inde ghedachten / altyt vry / ende gheensins onderwo-
pen en zy de kennisse ende wetenschappe der menschen / ende veel
wepnigher staende tot hun heerschappije ende beuel. Ende voor-
waer / noyt isser pemandt gheexecuteert ofte ghequelt gheweest
simpelicken om zijnder Conscientien wille / maer altydt om eeni-
ghe handelinghe ende wterlijke bewijlinghe / ofte van woorden
diemen noemt Schandale / ofte om handelinghen diemen den na-
me gheeft van exercitie van Religie / ende alsoo en isser gheen on-
derschepdt van dese vermetene vrijheyt van Conscientie sonder
wtwendighe exercitie / tusschen d'oude strengheyt der Placcaten /
ende d'Inquisitie van Spangien.

Bouen dien dunct ick dat wel eene vreemde saecke is / dat
de Catholijcken souden toelaten vrijheyt van Conscientie / daerle
toch d'wtwendighe exercitie der Religie soo scherpelijcken verbies-
den. Want inden eersten iset kennelijck en openbaer / dattet ver-
schil datse hebben mette Hughenotē / niet en bestae alleen in eghe-
ne t'welcke raecht de Ceremonien / oft d'wtwendige Oeffeninge /
als inder Leere / ende int ghene dat hangt vanc Ghelooue ende
bande Conscientie. Want daer is niemandt onder de Catholijcke
Doctoren / die metter waerheyt soude derren ofte mogen ontken-
nē / dat de Ceremonien die ghebruyckt werdē by die vander Reli-
gie / tzy inden Doope ende in het Nachemael / ofte in d'aenroepin-
ghe vanden eenighen naeme Gods / door d'eenighe voorbidin-
ghe Jesu Christi / sonder aenroepinghe der Heylighē / ende sonder
eene ontallijcke mennichte van andere dinghen / innegheboert ofe
by de Kercke / of door de Pausen van Romen / niet en zijn ghelijck-
maticch / noch ouer-een- comen mette Ceremonien / die gheweest
zijn vanden aenbeghinne der eerste Kercke / van Christo Jesu in-
neghestelt / ende by d'Apostelen in alle eenboudicheyt onderhou-
den: ende dat ouer sulcks dewijse sy niet en souden derren verdoe-
men d'Apostolen / (al ist schoon datse willen staende houden / dat
naemaels door d'inblasinge vanden Heylighē Gheest / de Room.

Wij

sche

sche Kercke ghegeuen / haer O'donnantien wat meer zijn verclert ende aensienlicher ghemaect) soo volcht immers daer wt / datse niet meer swarichepts behoorden te maken omme in te willighen d'wtwendighe oeffeninghe van dese Religie / de welcke sy noch bekennen ghelijckformich te zijn mette O'donnantie der Apostolē / danse en doen om vryheyt te gheuen vā d'wtwendighe Leere ende vānt Gheloone / t welcke sy segghē gheheel verleydelich ende schadelich te zijn.

Daer nae / hoe ist moghelicken de vryheyt van Conscientie te bewillighen / sonder d'oeffeninghe van Religie? Want nae dese reeckeninghe sal moeten volghē / dat de ghene die de weldaet van dese vryheyt sullen willen ghenieten / of ganschelicken niet en hebben eenighe Ceremonien / noch aenroepinghe Gods / om te betuyghen de Godts-vrychticheyt ende eerbiedinghe / diele hem toedraghen / ende dien volghende gheheelicken zijn sonder Religie / ende sonder breele Gods : ofte anders dat de Ceremonien / ende d'wtwendighe ghetuychenissen / diele sullen ghebruyckē / ouer een comen met haere Conscientie / ist saecke datmen hen de Conscientie wil vry laten.

Indienmense gheen Religie toe en laet / noch oeffeninghe van Godtsvrychticheyt / ofte van d'aenroepinghe ende breele Gods / soo moetense eyntelich werden bouē de maten onheplich / gansch goddeloos / ende verbult met alle boosheyt / en ouer sulcx in plaetse van te doen boorderen ende plantē de Roomsche Catholijcke Religie / en salmen niet doen dan de selue vernielen / ende in haer stede inboeren eene ouerdadicheydt van alle godts-lasteringhen ende schelmerije.

Ist datmē hen oock toelaet ofte voorschijft eenighe aenroepinghe / ofte andere oeffeninge vā Religie / strydende teghens hun Conscientie / ghelijckmen onghetwijffelt verstaet te willen doen / door de conditien ende artijkelen van dese schoone Vrede / t selfue sal immers gheen vryheyt zijn / maer een bedwang ende pijnninge van Conscientie / de welcke oock selue niet vry en sal zijn / achterwegen te laten / t ghene sy oordeelt te zijn teghens Godt en zijn Woort.

Want indien yemandt vercluynt disse te hooren op eenighe Hoochrijden / ofte het Sacrament tontfanghen / te Biechte te gaen / ist dat hy het Sacrament des Outaers / ofte den heylighen Olie gheen reuerentie en doet / indien hy sijne kinderen niet en laet Doopen naede maniere der Roomsche Kercke / soo hy hem niet

van

15
van eenen Priester doet trouwen / die houden sy altesamen booz
Schandale ende argernisse. Soo volcht dan noodzakelicken / dat
men in dese vermetene vryheyt van Conscientie / selue moet doen
teghens zijn Conscientie / om d'ergernisse te mijden / tzy eenen
dan lief ofte leedt: Is nu hier-inne eenighe schijn ofte apparentie
van vryheyt / dat laete ick alle lieden van verstande oordeelen: son-
der noch te segghen / datse noch woordt noch tonghe vry en laten:
Sulcx dat soo wie gesproken sal hebbē / een woordt t'welcke te nae
gaen mochte ofte d'eerwaerdicheyt vanden Gheestelickē Staet /
ofte de Roomsche Religie / men sal hem beschuldighen als bedre-
uen hebbēde Schandale / ofte het Crimen laesæ Maiestatis Diuinæ &
Humanæ: en van daer salme noch boorder commen / tot het onder-
soeck der Boeckē / en vande dagelicksche wandelinghe en conuersa-
tie binnē besloten deuren / lae selue vande Tresoren en Cofferē / son-
der dattet eenen Vader des Hupsghelins gheoorlooft sal zijn / sijne
kinderen te leeren Godt te aenroepē / noch selue de Ghebedē te mo-
ghen doen in sijns moeders taele. In somma / men sal moeten / soo
ick ghelept hebbe / alomme weder voortthalē d'oude strengheyt der
Placcaten / en vande Inquisitie / en weder oprechten de schauottē /
galghen / en raderen / de vperen weder aenstecken / nieuwe sacken
en cuplen ghereet maken / en ten cortsten ghelept / alles doen / dat
men naede wreedtheyt vande Gheestelickheyt immermeer heeft
commen bedencken / om haere heerschappije staende te houden.

Ick en behelpe my hier niet / om dit alles te bewijzen / met eent-
ghe Rethorische Figueren noch ouerbloedicheydt van woorden:
Want ick late my duncken dattet niet wel moghelick zijn soude
met woorden te verghelijcken / alle d'ellenden ende verbolghin-
ghen / de welke dese vermetene vryheyt van Conscientie voorstelt
int herte van eenen peghelicken / die eenich verstandt heeft / te
meer oock / als sy hem seluen voor ooghen stelt eenen machtighen /
victorieusen / ende vercoornden Coninck / die niet aldermachte wil
handhouden de Catholische Roomsche Religie / ende gheheelij-
ken vernielen d'andere: Sijnde niet alleen van hem seluen ghene-
ghen om dit te doen / maer oock verlocht door den Paus / die im-
mers volcommen macht heeft hem daer toe te bedwingen ende
t'ontlaen van alle Eeden / ende Verbanden van Contracten / hoe
solenneel datse oock zijn moghen / ende die selue soodanighe schade
daer by heeft / als eenen peghelicken bekent is.

Nu / om ons eenen soeten mont te maken: Sy segghen / dat wy
ten

ten minsten in een polnct boozdeel sullen hebben: te wetē/ Dat die vander Religie hen sullen moghen vertrecken wten lande/ sonder hunne goederen te verbeuren/ de welckē haer toe ghelaten sal werden te vercoopen ofte doen bedienen dooz eenen volmachtyghen/ ofte eenen anderen Facteur.

Inden eersten/ dese ghenade en werdt niet gheaccordeert simpelijken/ maer alleen booz eenen seckeren tijt/ de welcke omghecommen zijnde/ het seer lichtelicken sal zijn/ den voghel in strickt te brenghen. Maer ick bids v/ wat vercoopinghe salmen doen vande goederen/ diemen ghedwonghen is te verlaten? Ende de volmachtyghen/ ofte Factoren/ sullen sy selue oock vande Religie zijn/ ofte niet? Sijnse vande Religie/ soo salt vā noode zijn/ datse oock selue vertreckē soo wel als haere meesters: Indien neen/ wat betrouwen salmen op hen moghē stellen/ ofte wat vercoopinghe sullen sy daer van doen tot prouffijt van hun meesters? Maer dit willen wy altemael laeten baren: Wāt om eene alghemeyne Vrede te hebben/ moeten niet veel wercks maken/ om zyn eyghen particulier welbaren en ghemacks wille. Maer een saecke can ick niet verzwijgen/ te wetē/ Dat die vander Religie wtē lande vertoghē zijnde/ d'andere sullē bliuē tot een rooude dē ghemeynē viandt: Want die vander Religie zijn een rechte doozne inden boet vanden Spangiaert/ die hem eenichsins houdt in vreesse ende nadenecken: maer de dese vertrocken zijnde/ sal hy een vry open velt hebben om zijne heerschapppe wijdt ende breekt wt te strecken/ jas selue tot inde vier hoeken der werelt.

Dat dit alsoo zy/ laet ons maer sien naeden tijdt boozledē/ ende enen datmael/ als wijlen mijn Heere de Prince van Orangien/ lofselicker memorie/ met eene ontallicke groote menichte van die vander Religie was vertrocken/ wat onderstant wasser doen herwaertsouere reghens de Spaensche hoouaerdije ende tyranijē? Ende soo de welghedachte Prince het Oorloge niet wederomme byder handt hadde ghenomen/ in welcken staet souden jeghenwoordich zijn gheweest dese Landen?

Ich swijge noch vande verscheydēheyt van alderhāde Handtwerckē/ Consten/ en Scienciē/ daer vā dit landt opt seer oueruloe-
dich is geweest/ oock van menigerlep coopmāschappen en handel-
linghē diet in sijne sleure en voorspoet gehanchaest hebbē/ die of al-
le/ ofte het meerdeel der seluē/ met hen mede sullen opdoē om elders
te leuen/ en te gaē woonē in meerder vryheyt dan herwaertsouere.

Wat

17
Wat wil ick noch segghē bande weder-opbouwinghe der Ca-
steelen inde boornaemste Steden / van d'ontmantelinghe van d'an-
dere die sonder Garnisoene zijn sullen / ende van dupsent andere
lasten/die de verstandighen by hemselfen connen ouerweghen?

Ich segghe maer alleen met eenen woorde / dat de Spanglaert
hemselfen sal willen houden ende maken absoluut ende volcom-
men Meester/ ende dit ouer eene Natie bande welcke hy weet dat
hy bouen de maete seer ghehaet/ende tot eenen grouwel is/ende de
welcke hy oock selue noch veel meer haet ende gruwelt.

Voorts stelle ick het ghene dat hier van noch meer is te segghen
aen dese Vrede-makers selue/de welcke ist dat sy in dese coope wil-
len voortbaren totte Vrede te raeden / ick achte wel dattet raedts-
lieden zijn/ niet bande Vrede / maer van eene d'alderwterste ellen-
de ende onderganck van hun eyghen Vaderlandt/en daer toe van
eene gansch oneerliche en schandeliche Slavernije. En siet / daer-
omme besluyt ende segghe ick voer mijn aduys/ t'ghene ick van
aenbeghinne gheseyt hebbe/ te weten/Dat een peghelick man met
eeren altyds veel lieuer behoort te kiezen de doode / dan de conti-
nuatie ende voortganck van dit Oorloghe : maer datmen daer by
eermen soo eene schadeliche / smode ende ellendighe Vrede soude
willen aennemen / al veel lieuer behoort te kiezen/ soot moghe-
lick waere/dupsentich dooden te steruen / ende d'alder-ellendichste
wtcompstē te verwachten : dewijle toch de voortganck vant Oor-
loghe/hoe wel datse mede byengt eenen schijn bande meeste ellen-
de ende armoede ter werelt / nochtans niet en is sonder hope van
eenighe verlichtinghe/t'zy door de doode van eenich Prince/oft by
ghebreck van middelē vant Oorloghe staende te houden/vā d'eene
ende van d'ander zijde/ ofte door eenighe andere merckeliche ver-
anderinghe/ ghelijckmen dan vast doorghaens ghesien heeft / dat
alle Steden ofte Provincien/die totten eynde toe volhardt hebbē/
haerseluen eyntelicken ghevonden hebben verlost van alle hunne
ellenden.

Maer dese Vrede heeft gheen verlichtinghe/eghene hope/ noch
eenich eynde altoos bande alderwterste armoede / ellende ende on-
derganck/ jaer van d'ellendichste Slavernije de welcke opt ter we-
relt ghesien is gheweest.

Siet daeromme ist dat al de ghene die de Vrede met goeden
sernste begheren / ende oock vrome Patriotten en lieden niet eeren
zijn wille/ noodtsakelicken en voer secker eenē gheheelen anderen

C.

wech

wech moeten nemen. Want ghelijck het Oorloghe is opgherom-
men door oneenicheyt tusschen de Leeden vant landt: Alsoo moets-
men de Vrede weder oppichten door nieuwe vereeninghe der selue
Leeden metten anderen/ende niet door inboeringhe der Vreemde-
linghen/die t' lichaeme scheuren. Daer wt soo volcht dan dat de
Leeden hen met elck-anderen weder op een nieuw verbinden ende
by een voeghen moeten/latende het stuck vande Religie inde han-
den Godts/ende oppichtende eene Religions Vrede/de welke be-
vesticht worde soo met nieuwe Eeden / als wettelike en openbare
Accoorden / ende de selue ghehandthoudet in alle strengheyt / son-
der oochluyckinghe ofte dissimulatie. Ende dat voorts in dit Ac-
coordt wel wdrucltelicken bescheyden ende besproken werde/ dat
de Heeren ende d' Edeldomme sullen versien ende vereert werden
mette eerlickste Ampten en Officien nae haren Staet ende quali-
teyt/ om te schutwē alle jalousien: Het welcke/soot schijnt/dies ooc
te lichter sal vallē/ om dat hy / die ter liefde vant ghemeen volck/
d' andere voorginck / nu is ouerleden. Dat oock het Ghemeente
binnen zijne palen ghehoudē/ ende nochtans niet misshandelt/ wt-
ghemergheyt ende ghetranneert en werde / maer dat hem een
peghelick stil houde in sijne beroepinghe: En dat wy alle te samen
metten anderen doen vertrecken de Spangiaerden/ende daer nae
voorts alle andere Vreemdelinghen en Crischt-lieden / oppichten-
de alomme/ met ghemeyner bewilginghe vande State/ eene goe-
de O'donnantie/soo wel opt stuck vande Religie als vande Poli-
tie / euen als men in Duytslandt heeft ghedaen / ten tijde dat Her-
toch Mauris de wapenen inde handt ghenomen hadde teghens
wijlen Keyser Caerle Hoogher memorien/ welke O'donnantie /
hoe-wel hy ghemaect was int afwesen/en ghenoech in weer-wille
vanden Hoochghedachten Keyser/ hy nochtans naederhandt in-
willichde ende aennam / hebbende door dit middel Duytslandt
wederomme ghestelt in eene ghewenschte Vrede / Ruste ende
Welbaren.

Indien nu den Coninck/sijn Sone/volghende t'exempel ende
de boetstappen van sijnen vader / ter goeder trouwen verstaen wil
tot eenighe soodantighe Vrede-handelinghe / en die vast / goet / en
van waerden houdē / niet met woorden/ noch ter tijdt en wijlē toe
dat hy daer van berou mach hebben / ghelijck hy voormaels ghe-
daen heeft/ maer met goeden eerste ende dadelijcken : datmē niet
ghemeender handt vrijelijck met hem handele / om hem te bewa-
ren ende

ren ende handthouden sijne Authoziteyt ende Conincliche hoochheyt/ ende hem te bewijzen alle schuldighe ghehoorzaamheyt/ wel verstaende nochtans dattet stuck vande Religie ghelaten werde in zijn gheheel/naede Contracten ende voozwaerden/ diemen met elck-anderen sal hebben bedonghen ende besloten/ by maniere van een Interim/ ende tot dat door een Nationael Concilium/ ofte door eenighe alghemeyne vergaderinghe vande Staten des landts/ ofte door andere wettelijke middelen/ anders daerinne sal zijn versten.

Soo hy nu hier toe in gheender manieren verstaen/maer immers wil volherden dit arme bedroefde landt gheheltjck ten onderen te brenghē/ ende dat te maken tot een Slaue vande Spaignaert/ Ick en twijfkele gansch niet/ dat soo wanneer wy met elck-anderen sullen zijn verdraghen/ wy sullen wel lichtelicken binden/het zy een goet Meester (indient noot is) die ons onder zijne bescherminghe nemen/en seer wel te vreden sal zijn/ ons te handthouden in onse Vrijheiden/ Wetten ende Priuilegien: ofte oock wel eenighe goede naeghebueren ende vrienden die ons teghens alle vreemde macht ende ghewelt sullen connen beschermen.

Hier liet ghy nu/ mijn Heere/ welke is mijn Aduijs/ belagende de Poincten ende Artikelen die ghy my hebt voozghedraghen: Het welcke soot v aenghenaem is/ ghy sult moghen berthonen ende mede-deelen den ghenen/ daert v sal goet duncken: Ende soo niet/ ghy sult my verghenen/ dat ick v willende ghehoorsamē ende belieuen/ ondeckt hebbe mijn onvermoghen. Hier mede bidde ick Godt dat hy D:

Mijn Heere/ wil hebben in sijne heylighe hoede ende bescherminghe/ my recommanderende wel hertelicken in v goede gratie. Ghelchreuen wt

M. den xx^{en}. Septembris/

1 5 8 4.



